

東塾讀書記

東塾讀書記卷十二

番禺陳澧撰

諸子書

韓昌黎進學解稱孟荀二儒吐辭爲經謝金圃荀子序云小戴所傳三年問全出禮論篇樂記鄉飲酒義所引俱出樂論篇聘義子貢貴玉賤珉亦與德行篇大同大戴所傳禮三本篇亦出禮論篇勸學篇卽荀子首篇而以宥坐篇未見大水一則附之哀公問五義出哀公篇之首則知荀子所著載在二戴記者尙多澧謂此吐辭爲經之證也文心雕龍諸子篇云其純粹者入矩三年問喪寫乎荀子之書此純粹之類也昌黎讀荀子則云時若不醇粹劉彥和論禮記所取諸篇昌黎總論之言各有當也

荀子書開卷卽曰學不可以已青取之於藍而青於藍冰水爲

之而寒於水然則所謂學不可以已者欲求勝於前人耳其非

十二子實專攻子思孟子黃東發云欲排二子而去之以自繼

孔子之傳也日鈔卷五十五故其非十子但曰它豈魏牟也陳仲史鮪

也墨翟宋鉞也慎到田駢也惠施鄧析也獨於子思孟子則曰

子思孟軻之罪也且非子思孟子之語亦倍多於它豈之等詩韓

外傳取此篇而刪其非子思孟子之語田學紀聞遂謂非子思

孟子者為韓非李斯之流託其師說以毀聖賢此欲為荀子回

護耳然又云直哉史魚以為其言曰案飾其辭而祇敬之曰此

盜名可乎則亦不能回護矣真先君子之言也楊倞注云先君子孔子也子思唱之孟軻和之世俗之滿

猶瞽儒嚙嚙然不知其所非也遂受而傳之以為仲尼子游為

茲厚於後世據此則當時儒者皆深信子思孟子得孔子之傳

矣尚可排而去之乎後來王子雍之於鄭康成陸子靜之於朱

晦菴又從而效之夫亦可以不必矣陸子靜識有子貢子夏諸賢亦似效荀子也

非十二子篇又云弟佗其冠神禪其辭禹行而舜趨是子張氏之賤儒也正其衣冠齊其顏色嘽然而終日不言是子夏氏之賤儒也因學紀聞云荀卿之譏毀過矣然因其言可以想見子夏門人之氣象偷儒憚事無廉恥而奢飲食是子游氏之賤儒也此詆子游氏甚於子張子夏氏何以獨惡子游如此觀其非子思孟子云世俗以爲仲尼子游爲茲厚於後世或子思孟子之學出於子游歟

孔叢子云趙王問子順曰今寡人欲求北狄不知其所以然荅曰誘之以其所利而與之通市則自至矣王曰寡人欲因而弱之若與交市分我國貨散於夷狄是疆之也可乎荅曰夫與之市者將以我無用之貨取其有用之物是故所以弱之之術也如斯不已則夷狄之用將麋於衣食矣殆可舉捶而驅之豈徒弱之而已乎

陳士義稿

孔叢僞書可取者少獨此一段讀之令人感

憤不已自明以來外夷與中國交市彼正以無用之物弱我也
古人弱夷狄之術而今夷狄以之弱中國悲夫往者不可諫來
者猶可追自今以後勿取其無用之貨乃中國自彊之術也不
取其貨則彼失其所利是卽弱夷狄之術也後世當有讀孔子
順之言而得治夷狄之術者乎

戰國時儒家之書存於今者鮮矣澧以爲屈原之文雖詩賦家
其學則儒家也離騷云紛吾既有此內美兮又重之以修能又
云汨吾若將不及兮恐年歲之不吾與有天資有學力而又及
時自勉也涉江云被明月兮佩寶璐世溷濁而莫余知兮吾方
高馳而不顧駕青虬兮驂白螭吾與重華遊兮璫之圃登崑崙
兮食玉英與天地兮比壽與日月兮齊光此言人不知而不愠
與古聖人爲徒高矣美矣足以不朽也橘頌云深固難徙廓其

無求兮蘇世獨立橫而不流兮此中庸所謂強哉矯也此靈均之學也宋玉九辨亦云獨耿介而不隨兮願慕先聖之遺教處濁世而顯榮兮非余心之所樂與其無義而有名兮甞窮處而守高食不媮而爲飽兮衣不苟而爲溫竊慕詩人之遺風兮願託志乎素餐其對楚王問自謂瑰意琦行超然獨處非夸語也杜子美稱之曰風流儒雅亦吾師真可謂儒雅矣真可師矣彼罵宋玉爲罪人者烏足以知之

皇甫持正荅李生第二書云筆語未有駮賓王一字已罵宋玉爲罪人○朱子楚辭集注云景差大招近於儒者窮理經世之學此尤非朱子不足以知之也

管子之書史記采入列傳者曰倉廩實而知禮節衣食足而知榮辱上服度則六親固四維不張國乃滅亡此最精醇之語其餘則甚駁雜其言曰惠者民之仇讎也法者民之父母也

法法篇

羣臣之不敢欺主者非愛主也以畏主之威勢也百姓之爭用

非以愛主也以畏主之法令也

明法解

凡所謂忠臣者務明術上

如此類者法家語也故藝文志以管子列於法家或後之法家

以其說附於管子書歟

直齋書錄解題謂管子似非法家

又有云有名則治無

名則亂治者以其名

樞

督言正名故曰聖人

心術上篇

凡物載名而

來聖人因而財之

同上

如此類者名家之言也又云虛無無形謂

之道

同上

天曰虛地曰靜乃不伐潔其宮開其門去私毋言神明

若存紛乎其若亂靜之而自治強不能徧立智不能盡謀故必

知不言無爲之事然後知道之紀

同上

此則老子之說矣又云仁

從中出義從外作

戒篇

告子之說出於此歟抑告子之徒所依託

者歟又云人君唯毋聽兼愛之說此尤後人所依託也其地員

篇則農家者流藝文志農家之書無存者於此可見其大畧蓋

一家之書而有五家之學矣

管子書所用權術後世多不可用或其事由於虛造或當時人心近古可以欺之後世人皆狡猾不復可以此欺之矣通典輕重篇載其事而自注云凡問古人之書蓋欲發明新意隨時制事其道無窮而況機權之術千變萬化若一二楷模則同刻丹膠柱耳

老子云使人復結繩而用之見子止云蓋三皇之道也

郡齋讀書志卷

三趙邠卿云五帝以來有禮義上下之事不可復若三皇之道

孟子滕文公章句上崔寔政論云俗士苦不知變以爲結繩之約可復理

亂秦之緒後漢書好老子之說者自以爲高而不知適成爲俗

士也王介甫太古篇云太古之道果可行之萬世聖人惡用制

治亂者當言所以制之於其間爲太古之不可行也吾以爲識術曰歸之太古非愚則詞

道可道非常道名可名非常名此所謂正言若反也吳草廬注

云老子一書皆是此意澧謂佛氏書亦然如云佛說般若波羅蜜卽非般若波羅蜜是也

不尙賢使民不爭司馬溫公注云賢之不可不尙人皆知之至其未流之弊則爭名而長亂故老子矯之此一矯字足以盡老子之學矣

聖人欲上人以其言下之欲先人以其身後之將欲歛之必固張之將欲弱之必固強之將欲廢之必固興之將欲奪之必固與之吳草廬注云老子大概欲與人之所見相反而使人不可測知孫吳申韓之徒用其權術陷人於死而人不知其立言不能無弊有以啟之澧案孫子云兵者詭道也故能而示之不能用而示之不用近而示之遠遠而示之近

始計

又云能愚士卒

之耳目使之無知易其事革其謀使人無識

九地篇

此老子之術

也吳子則無此等語草廬連及之耳

古之善爲道者非以明民將以愚之吳草廬注云其流之弊則爲秦之燔詩書以愚黔首程子云秦之愚黔首其術蓋亦出於

老子

二程遺書卷十五

澧案韓非云商君敎秦孝公燔詩書而行法令

和氏篇

○周學紀聞云史記商君傳不言燔詩書何義門評云意者商鞅所燬止於國中至李斯乃流毒天下是燔詩

書始於商鞅

姚姬傳洪雅存皆有此說

故其言曰民不貴學則愚愚則無外

交國安不殆

墨令篇

韓非亦云羣臣爲學者可亡

亡微篇

韓非之學

出於老子商鞅也莊子亦云絕聖棄智大盜乃止殫殘天下之

聖法而民乃可與論議

肱後篇

惜乎莊子不見秦始皇焚書而勝

廣大盜乃起也

老子云失道而後德失德而後仁失仁而後義失義而後禮夫禮者忠信之薄而亂之首文子述老子之言則云德者民之所

貴也仁者民之所懷也義者民之所畏也禮者民之所敬也此四者文之順也聖人之所以御萬物也君子無德則下怨無仁則下爭無義則下暴無禮則下亂四經不立謂之無道道德篇此

非老子之言老氏之徒知仁義禮之不可無而爲是言耳然又恐背老子之旨故又云深行之謂之道德淺行之謂之仁義薄行之謂之禮智上仁篇此所謂遁辭也史記孟荀列傳索隱引別錄云文子子夏之弟子然

則文子蓋嘗爲儒家之學故依違於二者之間也

洪稚存云自漢興黃老之學盛行文景因之以致治至漢末祖尙元虛於是始變黃老而稱老莊陳壽魏志王粲傳末言嵇康好言老莊老莊並稱實始於此卽以注二家者而論爲老子解義者鄰氏傅氏徐氏河上公劉向毋丘望之嚴遵等皆西漢以前人也無有言及莊子者注莊子實自晉議郎清河崔譔始而

向秀司馬彪郭象李頤等繼之形文堂王氏合刻河上公禮案

此考老莊諸家注甚詳至黃老之學則不自漢興乃盛行也史

記孟荀列傳云慎到田駢接子環淵皆學黃老道德之術蓋其

時已盛行矣

漢桓帝事黃老道後漢書循吏王渙傳張角奉黃老道皇甫傳漢初以黃老

治其末亦以黃老亂嗚呼可不戒哉

道家者流歷記存亡禍福知卑弱以自持此漢書藝文志語馬季長不

應鄧隲之命飢困悔歎以爲非老莊所謂其後遂爲梁冀草奏

李固後漢書本傳此誤於卑弱也嵇叔夜讀莊老重增其放與山巨源絕交

書後遂爲司馬昭所殺此誤於放縱也二者皆可爲好老莊之

戒也馬季長已言老莊洪稚存云始於嵇康亦非

莊子云自其同者視之萬物皆一也德充此託爲孔子語又云

知天子之與已皆天之所子人聞世此託為顏子語張橫渠西銘
即此意

莊子云顏回曰敢問心齋仲尼曰唯道集虛虛者心齋也人聞世

此託為孔顏問荅呂與叔有詩云學如元凱方成癖文似相如

始類俳獨立孔門無一事只輸顏氏得心齋二程遺書卷十八此又見上蔡語錄

則誤以莊子寓言為孔顏之學矣

楊朱是老子弟子見列子黃帝篇及莊子寓言篇故禽滑釐問

楊朱云以子之言問老聃關尹則子之言當矣列子楊朱篇荀子云

言談議說已無異於老墨而不知分是俗儒者也儒效篇所謂老

墨即楊墨也老子云故貴以身為天下則可以寄天下愛以身

為天下則可以託天下吳草廬注云愛惜貴重此身不肯以之

為天下楊朱為我之學原於此

楊朱云百年之壽大齊得百年者千無一焉設有一者孩抱以
逮昏老幾居其半矣夜眠之所弭晝覺之所遺又幾居其半矣
痛疾哀苦亡失憂懼又幾居其半矣量十數年之中迨然而自
得亡介焉之慮者亦亡一時之中爾則人之生也奚爲哉奚樂
哉爲美厚爾爲聲色爾而美厚復不可常厭足聲色不可常翫
聞乃復爲刑賞之所禁勸名法之所進退遑遑爾競一時之虛
譽規死後之餘榮偶爾順耳目之觀聽惜身意之是非徒失
當年之至樂不能自肆於一時重囚累梏何以異哉列子楊朱
篇○以下
引楊朱語皆
列子楊朱篇莊子云人上壽百歲中壽八十下壽六十除病瘦
死喪憂患其中開口而笑者一月之中不過四五日而已矣天
與地無窮人死者有時操有時之具而託於無窮之間忽然無
異騏驥之馳過隙也不能說其志意養其壽命者皆非通道者

也

盜鑿篇

此二說正同故楊子雲云莊楊墨晏也

法言五百篇云莊楊蕩而不法

墨晏儉而廢禮

○莊子齊物論云儒墨之是非史記莊周傳云

剽剽儒墨莊子是楊朱之學故言儒墨之是非而剽剽之也

列子言楊朱見梁王言治天下如運諸掌又述其言云不逆命

何羨壽不矜貴何羨名不要勢何羨位不貪富何羨貨此之謂

順民也又云野人之所安野人之所美謂天下無過者又云人

人不損一毫人人不利天下天下治矣澧案楊朱之學此其大

略也蓋人人不羨名位則朝無篡弑之臣不羨貨利則野無盜

竊之民各安其所安各美其所美故天下治矣然欲如此必先

使天下無窮民而後可彼其言曰宋國有田夫常衣縕黻以過

冬暨春東作自曝於日曰負日之暄人莫知者以獻吾君將有

重賞然田夫若無縕黻以過冬何能待春日負暄乎且使無田

則安有東作乎此雖寓言然其說則有不可通者矣惟不逆命

數語可見其人品頗高故孟子曰逃楊必歸於儒蓋頗近於儒耳

楊朱云天下之美歸之舜禹周孔天下之惡歸之桀紂凡彼四聖者生無一日之歡死有萬世之名名者固非實之所取也雖稱之弗知雖賞之不知與桀堯無以異矣彼二凶也生有從欲之歡死被愚暴之名實者固非名之所與也雖毀之不知雖稱之弗知此與桀堯奚以異矣彼四聖雖美之所歸苦以至終同歸於死矣彼二凶雖惡之所歸樂以至終亦同歸於死矣以舜禹周孔儕於桀紂孟子之距之非好辯也

善與惡皆掃而空之已似後世禪家宗旨

楊朱云忠不足以安君適足以危身義不足以利物適足以害生然則不必以忠事君以義利物也此孟子所謂無君所謂充

塞仁義也

楊朱云太古至於今日年數固不可勝紀但伏羲以來三十餘
萬歲賢愚好醜成敗是非無不消滅列子云夏革曰物之終始
初無極已殷湯曰然則上下八方有極盡乎革曰無則無極有
則有盡無極之外復無無極無盡之中復無無盡湯問篇又云長
廬子曰天地空中之一細物天瑞篇澧案列子此所述諸說既以
爲始終無極上下八方無極而且無無極天地但爲空中細物
三十萬歲之人事無不消滅何難舉而空之乎此列子所以貴
虛也天瑞篇或謂子列子乃中國之佛也黃山谷跋亡弟嗣
書時有合於釋氏朱子語類云佛氏之學亦出於楊又云列子
言語多與佛經相類卷一百二十六子史精華釋道部采列子
莊子同於宗門者十餘條

楊朱云太古之人知生之暫來死之暫往列子云林類曰死之

與生一往一反故死於是者安知不生於彼天瑞篇此卽輪迴之

說也

錢辛楣養新錄洪稚存曉讀書齋切韻皆以爲釋氏之說出於此

孟孫陽問楊子曰有人於此貴生愛身以斷不死可乎曰理無

不死以斷久生可乎曰理無久生且久生奚爲百年猶厭其多

況久生之苦也乎孟孫陽曰若然則踐鋒刃人湯火得所志矣

楊子曰不然究其所之以放於盡何遽遲速於其間乎觀此則

楊朱雖爲孟子所距然猶高於後世神仙家也以生爲苦亦與佛氏同

墨子云別士之言曰吾豈能爲吾友之身若爲吾身爲吾友之

親若爲吾親是故退睹其友飢卽不食寒卽不衣禮案此謂友

食友寒而不疾病不侍養死喪不葬埋別士之言若此行若此

兼士之言不然行亦不然曰吾聞爲高士於天下者必爲其友

之身若爲吾身爲其友之親若爲其親然後可以爲高士於天

下兼愛當時楊氏爲我墨氏兼愛兩家爭辯故有別士兼士之

曰也又有別君兼君之目用楊氏之說者爲別君用墨氏之說者爲兼君也

諸子之學皆欲以治天下而楊朱之計最疎墨翟之計最密楊

朱欲人不貪然人貪則無如之何老子欲人愚然人詐則無如

之何商鞅韓非皆欲人畏懼而自禍其身墨翟兼愛非攻人來

攻則我堅守何以爲守蕃其人民積其貨財精其器械而又志

在必死則可以守矣此墨翟之所長也三國志劉巴傳注引零陵先賢傳云巴曰內無

楊朱守靜之術外無墨翟務時之風務時二字足以盡墨氏之學

備城門備高臨備梯備水備突備穴備蛾附畢氏注云蛾同蟻迎敵祠

旗幟號令禱守十一篇所謂墨守也此乃最古之兵書惜其文

多脫誤難解近者藤縣蘇時學舉人字久山著墨子刊誤是正頗多

稍稍可讀矣

魯問篇云魯人有因子墨子而學其子者其子戰而死其父讓

子墨子子墨子曰子欲學子之子今學成矣戰而死而子慍是

猶欲羅羅讐則慍也善與淮南子云墨子服役者百八十人皆

可使赴火蹈刃死不還踵素族呂氏春秋云墨者鉅子孟勝善

荆之陽城君陽城君令守於國荆王薨羣臣攻吳起兵於喪所

陽城君與焉荆罪之收其國孟勝曰受人之國不能死不可其

弟子徐弱曰死無益也而絕墨者於世不可孟勝曰我將屬鉅

子於宋之田襄子徐弱曰若夫子之言弱請先死以除路還殽

頭前於孟勝因使二人傳鉅子於田襄子孟勝死弟子死之者

百八十三人以致令於田襄子畢氏校本云句上當有遂反死

之上德篇○案墨氏所謂鉅子猶沙門傳衣者也呂氏春秋去私篇又有墨者鉅子腹䟽高誘注皆云鉅姓畢氏已駁正之

禮案墨子之學以死爲能戰國時俠烈之風蓋出於此孟子所

謂墨子摩頂放踵摩猶糜也謂糜爛也劉孝標廣絕交論云皆願摩頂至踵隙膽抽腸江文通詣建平王上書云剖心摩頂以報所天任彥昇奏彈曹景宗云自頂至踵功歸造化潤草塗原豈獲自己皆用孟子語也皆糜爛而死之謂也

晏子春秋公孫倭田開疆古治

子以勇力聞晏子請景公使人餽之二愧曰三子何不計功而食桃三子挈領而死諱下齊有北郭駭者養其母不足晏子分倉粟以遺之晏子見疑于景公出犇北子令其友陳糾奉而從造干君庭曰晏子去齊國齊必侵矣方見國之必侵不答死謂其友曰盛吾頭于筒中退而自刎其友曰北郭子為國故死吾為北郭子死又自刎景公大駭追晏子反雜下以死為能者其風氣蓋出於此也

孟子謂墨子無父嘗疑其太甚讀墨子書而知其實然也墨子書云公孟子曰三年之喪學吾之慕父母子墨子曰夫嬰兒子之知獨慕父母而已父母不可得也然號而不止此乃故何也即愚之至也然則儒者之知豈有以賢於嬰兒子哉

公孟篇此之

謂無父

韓非子云墨者之葬也冬日冬服夏日夏服桐棺三寸服喪三月儒者破家而葬服喪三年大毀扶杖夫是墨子之儉將非孔子之侈也是孔子之孝將非墨子之戾也墨學篇韓非猶以墨子爲戾孟子謂之無父不亦宜乎蓋專欲富國強兵遂至於戾而無父而不顧是則墨子之學矣

公孟篇云子墨子與程子辯稱於孔子程子曰非儒句何故稱於孔子也子墨子曰是亦當而不可易者也今鳥聞熱旱之憂則高魚聞熱旱之憂則下當此雖禹湯之謀必不易矣鳥魚可謂愚矣禹湯猶云因焉今翟曾無稱於孔子乎澧謂墨翟稱孔子不可易是其是非之心有幾希之存乃一聞駁詰之語而遽爲強辯至以鳥魚之愚比孔子而自比禹湯其狂悖至此而極

矣

晏子春秋毀詆孔子者五章劉向第錄以爲非晏子言疑後世辭士所爲者豈謂蓋墨氏所妄造也

貴義篇云子墨子曰以其言非吾言者是猶以卵投石也盡天

下之卵其石猶是也不可毀也墨翟自信之堅自誇之妄如此

論衡云墨家之議自違其術其薄葬而又右鬼死者審有知而

薄葬之是怒死人也

薄葬篇○案書篇亦有此說

此王充之以其言非墨子

之言也墨子將何辭以對耶孰石孰卵耶

漢書藝文志董子一篇自注云名無心雞

墨子今其書不傳可惜也

邵特夫云墨子經及經說有中西算法禮因取而讀之如經上

云平同高也此卽海島算經所謂兩表齊高也又云直參也卽

海島算經所謂後表與前表參相直也又云壚間虛也說云壚

虛也者兩木之間謂其無木者也九章算術劉徽注云凡廣從

相乘謂之壚卽此所謂壚也海島算經云以表高乘表間李淳

風注云前後表相去爲表間卽所謂雨水之間無本者也又云
端體之無序而最前者也說云端是無同也此所謂端卽百人
算法所謂點也體之無序卽所謂線也序如東序西序之序猶
言兩旁也幾何原本云線有長無廣卽此所謂無序謂無兩旁
也幾何原本又云線之界是點卽所謂最前也幾何原本又云
直線止有兩端兩端上下更無一點卽所謂無同也又云有間
中也間不及旁也說云有間舊作間畢本改作閒是也謂夾之者也間謂夾
者也幾何原本云直線相遇作角爲直線角在直線界中之形
爲直線形皆此所謂有間也線與界夾之也又云中同長也說
云心中自是往相若也又云圖一中同長也幾何原本云圖之
中處爲圖心一圖惟一心無二心圖界至中心作直線俱等卽
此所謂一中同長也此其文義易明者其脫誤難明者細繹之

算術常更多耳

特夫又云經下所云臨鑑而立景到

畢注云即今影倒字

謂窪鏡也澧案

經說下云足敝下光故成景於上

言非也

又云鑒者近中則所鑒大景

窪鏡照人影倒之故也

畢云以表

亦大遠中則所鑒小景亦小

畢云以鏡是也

此則謂突鏡也今西洋

人製鏡之巧不過窪突二法而墨子已知之惜其文多脫誤難

解耳

經說下又有云學有力也引無力也疑即西人起重之法惜作夫已逝如其尙存當能解之

天志中篇云且吾所以知天之愛民之厚者有矣曰磨爲日月

星辰以昭道之制爲四時春秋冬夏以紀綱之雷降雪霜雨露

以長遂五穀麻絲使民得而財利之列爲山川谿谷播賦百事

以臨司民之善否爲王公諸伯使之賞賢而罰暴賊金木鳥獸

從事乎五穀麻絲以爲民衣食之財今有人於此囷若愛其子

竭力畢務以利之其子長而無報子求父故天下之君子與謂之不仁不祥今夫天兼天下而愛之撒遂萬物以利之然獨無報夫天而不知其爲不仁不祥也此吾所謂君子明細而不明大也特夫以爲此卽西人天主之說體謂西人事事似墨氏之學惟墨氏非攻彼則好攻不同耳

關尹子二柱篇云天非自天有爲天者地非自地有爲地

者譬如屋宇舟車待人而成彼不自成此亦與天主之說無異但關尹子乃後人依託之書耳

貴義篇云子墨子南遊使衛關中載書甚多弭唐子曰吾夫子教公尙過曰揣曲直而已今夫子載書甚多何有也子墨子曰昔者周公旦朝讀百篇夕見漆十士翟上無君上之事下無耕農之難吾安敢廢此今若過之心者數逆於精微旣已知其要矣是以不教以書也黃東發之論陸象山曰象山雖謂此心自靈此理自明不必他求空爲言議然亦未嘗不讀書至其於諸

儒之讀書則指爲賊賊爲陷溺

日鈔卷四十二

殆與墨子暗合者歟

書引何書者甚多如尙賢中篇下篇尙同中篇皆引呂刑明鬼

下篇引禹誓卽甘誓也其辭屢引仲虺之告及太誓而孟子書

載墨者夷之之言曰儒者之道古之入若保赤子獨以康誥

歸之儒者蓋指大學引康誥如保赤子故以爲儒者之道也

墨子弟子見於墨子書者程繁管黔游高石子駱滑

麓弥唐子公尙過勝綽禽滑釐高孫子見於漢書藝文志者隨

巢子胡非子又有我子顏注引劉向別錄云爲墨子之學不言

墨子弟子又有田侯子志但云先韓非子顯學篇有相里氏之

墨相夫氏之墨鄧陵氏之墨集聖賢羣輔錄有宋鉏尹文之墨

相里勤五侯子之墨苦獲已齒鄧陵子之墨莊子天下篇有相

里勤之弟子五侯之徒南方之墨者苦獲已齒鄧陵子孟子書

有墨者夷之呂氏春秋有墨者孟勝徐弱田襄子腹䟽論衡福

虛篇有墨者之役纏子晉魯勝注墨辯敘云惠施公孫龍祖述

其學

晉書本傳

孟子所謂墨翟之言盈天下此可見其略也

荀子云上功用大儉約而慢差等是墨翟宋鉏也楊倞注云宋

鉏孟子作宋牼

非十子

韓非子云宋榮子之議設不鬪爭

顯學宋

榮亦即宋牼

集聖賢事輔錄之宋牼即宋鉏

宋牼說秦楚罷兵是為設不鬪爭

而其意則在懷利孟子告之曰何必曰利與首章告梁惠王同

然則首章何必曰利之一言即距墨氏之要言也

畢秋帆云經上下經說上下四篇有似堅白異同之辯

墨子畢氏刻本

孫淵如附記此語

禮案大取篇云非白馬焉執駒焉說求之舞說非也

又云苟是石也白敗是石也盡與白同是石也

此二條皆小取似有誤字

篇云白馬馬也乘白馬乘馬也驪馬馬也乘驪馬乘馬也盜人

人也多盜非多人也無盜非無人也愛盜非愛人也不愛盜非

不愛人也禮案此與公孫龍之說相似公孫龍之學出於墨氏

此其證也然墨子言白馬馬也公孫龍則云白馬非馬其說云求馬黃黑馬皆可致求白馬黃黑馬不可致故曰白馬非馬又云堅白石三可乎曰不可視不得其所堅拊不得其所白且猶白以火見而火不見而火與目不見而神見堅以手而手以捶是捶與手知而不知而神與不知神乎是之謂離焉皆較墨子之說更轉而求深皆由於正言若反而加以變幻然其末篇則云古之明王審其名實慎其所謂其大旨不過如是何必變幻乎

後世談元談禪者皆有類於此○三國志鍾文傳注云爰師長子翰翰子俞辯於論議孫公孫龍之辭以談微理

孟子趙注云告子兼治儒墨之道禮案墨子公孟篇云子墨子曰告子稱我言以毀我行又云二三子復於子墨子曰告子勝爲仁子墨子曰未必然也此告子兼治儒墨之證也告子毀墨子之行墨子亦不以告子爲仁總之相詆而已

由不害之書已亡惟羣書治要采其大體篇有云名者天地之綱聖人之符張天地之綱用聖人之符則萬物之情無所逃之矣故善爲主者倚於愚立於不盈設於不敢藏於無事竄端匿

疏

日本佚存叢書評云疏疑跡

示天下無爲是以近者親之遠者懷之示人

有餘者人奪之示人不足者人與之剛者折危之爲動者搖靜者安名自正也事自定也是以有道者自名而正之隨事而定之也又云聖人貴名之正也主處其大臣處其細以其名聽之以其名視之以其名命之禮案羣書治要采此篇蓋取其稍醇正者然藏於無事竄端匿疏已見其術矣名者天地之綱云云又可見史記所謂申子之學本於黃老而主刑名申子卑卑施於名實者也史記但言其主刑名漢書刑法志云韓任申子素用商鞅有鑿顛抽脅獲享之刑則無異孫皓劉鎮矣韓非子引申子云上明見人備之其不明見人惑之其知見人

惑之不知見人匿之其無欲見人司之其有欲見人餌之故曰
吾無從知之惟無爲可以規之一曰申子曰慎而言也人且知
女慎而行也人且隨女而有知見也人且匿女而無知見也人
且意女女有知也人且藏女無知也人且行女故曰惟無爲可
以規之又云獨視者謂明獨聽者謂聰能獨斷者故可以爲天
下主外儲說又云失之數而求之信則疑矣又云治不踰官雖
知不言三申不害之術於此可見其略矣其所謂無爲者本於
老子因而欲使人主自專自祕臣下莫得窺其旨趙高說秦二
世所謂天子稱朕固不聞聲秦之亡由此術也劉向別錄稱其
尊君卑臣崇上抑下漢書元帝本紀注引此說則有利有病觀於漢魏以
後可見也

戰國策云魏之圍邯鄲也申不害始合於韓王王問申子曰吾

誰與而可對曰臣請深惟而苦思之乃微謂趙卓韓鼂曰子皆

國之辨士也夫為人臣者言不必用盡忠而已矣二人各進諫

於王以事申子微觀王之所說以言於王王大說之鮑彪注云此術之最

下者又云申子請仕其從兄官昭侯不許也由子有怒色昭

侯曰子嘗教寡人循功勞視次第今有所求此我將笑聽乎申

子乃避舍請罪同上又見韓非子外儲說左上申不害之劣如此乃稱為一世

之賢士亦見韓策何哉

商鞅云以良民治必亂至削以姦民治必治至強說民篇行刑重

其輕者輕其重者同上重刑而連其罪變令篇王者刑九賞一去強篇

王者刑用於將過賞施於告姦開塞篇求過不求善同上嗚呼既以

姦民待良民刑九而賞一矣而賞又施於告姦則不啻刑十而

賞無一也又云國有禮有樂有詩有書有善有修有孝有弟有

廉有辯國有十者上無使戰必削至亡國無十者上有使戰必

興至王去強六融曰禮樂曰詩書曰修善曰孝悌曰誠信曰貞

廉曰仁義曰非兵曰羞戰國有十二者上無使農戰必貧至削

勦令嗚呼禮樂詩書仁義不必與論矣若孝悌則自有人類以

來未有不以為美者而商鞅以為為必亡必削非梟獍而

為此言哉親親尊尊之恩絕矣此太史公論六家要指語車裂不足蔽其辜

也莊子云夫至仁尚矣孝固不足以言之天運篇此其言孝意已

輕之猶不至如商鞅之甚也謝上蔡云孝弟可以論仁而孝弟非仁也此語令人駭絕儒者安得

有此言乎此朱子記上蔡論語疑義所引蓋不誤也自古帝王之法至商鞅而變其言曰苟可以彊國不法其故苟

可以利民不循其禮史記尸佼著書非先王之法不循孔氏之

術劉向孫卿子後序商鞅師之也見藝文志尸子書已佚觀近人輯本大約

近於名家之說如云以實覈名百事皆成分又云明分則不蔽

正名則不虛案發是也蓋其悖謬之語盡佚矣是則尸佼之幸也

史記韓非傳云喜刑名法術之學集解云申子之書號曰術商

鞅之書號曰法皆曰刑名李奇云韓非兼行申商之術見漢書武帝本

紀禮案韓非云中不害言術而公孫鞅為法術者人主之所執

也法者臣之所師也此不可一無皆帝王之具也定法法者編

著之圖籍設之於官府而布之於百姓者也術者藏之於胸中

以偶萬端而潛御羣臣者也故法莫如顯而術不欲見難三問

者曰主用申子之術而官行商君之法可乎對曰二子之於法

術皆未盡善也申子言治不踰官雖知弗言治不踰官謂之守

職也可知而弗言則人主尙安假借矣商君之法曰斬一首者

爵一級欲為官者為五十石之官斬二首者爵二級欲為官者

爲百石之官今有法曰斬首者令爲醫匠則屋不成而病不已
夫匠者手巧也而醫者齊藥也而以斬首之功爲之則不當其
能今治官者智能也今斬首者勇力之所加而治者智能之官
是以斬首之功爲醫匠也故曰二子之於法術皆未盡善也定法
爲然則韓非兼申商之法術而更進焉者也

韓非之學出於老子而流爲慘刻者其意以爲先用嚴刑使天
下不敢犯然後可以清靜而治也至暴秦嚴刑之後漢初果以
黃老致刑措矣然秦以嚴刑而亡漢以清靜而治嚴刑者近受
其禍清靜者遠受其福韓非未見及此也彼欲於其一身先用
嚴刑後享清靜而不知已殺其身已亡其國也且秦雖嚴刑而
博浪之椎蘭池之盜陳勝吳廣之揭竿而起何嘗畏嚴刑哉況
漢初雖云刑措而游俠犯禁者紛紛而出嚴刑不可恃矣清靜

亦何可恃乎

天地不仁以萬物爲芻狗聖人不仁以百姓爲芻狗韓非之學出於老子而讀爲慘刻者在此

老子云民不畏死奈何以死懼之惜乎韓非之未解此也罪當死者必死則民畏若不論罪之輕重而皆死則民不犯輕罪而犯重罪矣此陳勝吳廣所謂失期亦死舉大計亦死也

李斯以書對二世引申子曰有天下而不恣睢命之曰以天下爲桎梏者又引韓子曰慈母有敗子而嚴家無格隸又引商君之法刑棄灰於道者又引韓子曰布帛尋常庸人不釋鑲金百鎰盜跖不搏又云滅仁義之塗因烈士之行塞聰揜明若此然後可謂能明申韓之術而脩商君之法史記李斯列傳商鞅申韓之說至此大暢而秦亡矣

韓非云仁者謂其中心欣然愛人也義者君臣上下之爭父子貴賤之差也知交朋友之接也親疎內外之分也臣事君宜下

懷上宜子事父宜眾敬貴宜知交友朋之相助也宜親者內而
疎者外宜義者謂其宜也禮者所以情貌也羣義之文章也君
臣父子之交也貴賤賢不肖之所以別也中心懷而不喻故疾
趨卑拜而明之實心愛而不知故好言繁辭以信之禮者外節
之所以喻內也故曰禮以情貌也凡人之爲外物動也不知其
爲身之禮也眾人之爲禮也以尊他人也故時勸時衰君子之
爲禮以爲其身解老篇韓非此說本以解老子失德而後仁失仁
而後義失義而後禮而其解仁義禮三字之義則純乎儒者之
言精遂無匹是其天資絕高又其時去聖人未遠所聞仁義禮
之說尙無差謬而其文又足以達之使其爲儒者解孔子之言
必有可觀者也法言云莊周申韓不乖寡聖人而漸諸篇則顏
氏之子閔氏之孫其如白問道篇○又子道德篇依託老子論
德仁義禮四者以兼愛無私爲仁退

讓守柔為天下雌為禮
妙之韓非相去霄壤矣

尹文子云以名稽虛實以法定治亂萬事皆歸於一百度皆準

於法則頑嚚聾瞽可與察慧聰明同其治也能鄙齊功賢愚等

慮此至治之術也大道上○文子下德篇云人才不可專用而度量道術可世傳也故國治可與愚守也而

軍族可以法同也此與尹文子同意名家法家立說之意盡於此數語夫以名法

為治能鄙賢愚混然無別老子所謂不尚賢使民不爭也而不

知頑嚚聾瞽之人布滿朝列此真至亂之術耳徐幹中論云若

欲備百僚之名而不問道德之實則莫若鑄金為人而列於朝

也且無食祿之費矣亡國篇尹文之頑嚚聾瞽尚有食祿之費誠

不若徐幹之鑄金耳朱子名臣言行錄卷六載呂夷簡在中書奏令宋綬編次中書總例謂人曰自吾有

此例使一庸夫執之皆可以為相矣此即尹文子之說

慎子云法雖不善猶愈於無法所以一人心也威德篇又云夫投

鉤分財投策分馬非鉤策爲均也使得美者不知所以賜得惡者不知所以怨此所以塞怨望也

見羣書治要

此後世所以有竹籥

傳也

竹籥傳見日知錄卷八

列子云孔子曰曩吾脩詩書正禮樂將以治天下遺來世非但脩一身治魯國而已而魯之君臣日失其序仁義益衰情性益薄此道不行一國與當年其如天下與來世矣吾始知詩書禮樂無救於治亂而未知所以革之

仲尼篇

此假託孔子之言不足

與辯但觀其言則凡道墨名法諸家所以自爲其學者皆以爲孔子之詩書禮樂無救於亂而思所以革之也此道墨名法諸家之根源也

漢書藝文志陰陽家鄒子四十九篇鄒子終始五十六篇惜其書亡矣史記云騶衍深觀陰陽消息而作怪迂之變終始大聖

之篇十餘萬言其語闊大不經必先驗小物推而大之至於無
垠先序今以上至黃帝學者所共術大並世盛衰因載其機祥
度制推而遠之至天地未生窈冥不可考而原也稱引天地剖
判以來五德轉移治各有宜而符應若茲孟荀列傳此蓋與後世邵
康節皇極之書相似其所謂九州每一州有神海環之如此者
九乃有大瀛海環其外此與近時外國所繪地圖相似但外國
所繪者有四五區無九區耳騶衍冥心懸想而能知此亦奇矣
哉

史記云瀆于髡博聞彊記學無所主

孟荀列傳

然則學必有所主若

但博聞彊記而無所主則成爲瀆于髡矣史記又云瀆于髡久

與處時有得善言

同上

若并此而無之則更瀆于髡之不若矣

史記以瀆于髡附入孟荀列傳云其諫說慕晏嬰之爲人又以

髡入滑稽傳澧案戰國時人多辯論談諧成爲風氣此太史公所以立爲一傳也此風蓋起於晏子故太史公謂適于髡慕晏嬰也晏子春秋云景公使國人養所愛馬暴死公怒令人操刀解養馬者晏子侍前問于公曰堯舜支解人從何軀始公矍然遂不支解諫上如此之類乃滑稽之濫觴也凡辯說使人忽然感悟者皆滑稽之類如後世禪家之機鋒亦是也

戰國策云蘇代爲燕說齊先說適于髡曰人有賣駿馬者往見伯樂曰願子還而視之去而顧之臣請獻一朝之賈伯樂乃還而視之去而顧之一且而馬價十倍足下有意爲臣伯樂乎臣請獻白璧一雙黃金千鎰適于髡曰謹聞命矣入言之王而見之齊王大說蘇子策適于髡之貪劣如此蓋戰國之人以受賄爲常事耳衛使客事魏三年不得見衛客患之乃見梧下先生

許之以百金梧下先生曰諾乃見魏王魏王趨見衛客衛策此與

適干冕正相類矣信陵君厚遺侯嬴不肯受曰臣脩身潔行數

十年終不以監門困故而受公子財史記信陵君列傳此戰國時所罕

見者

鬼谷子云欲聞其聲反默欲張反斂欲高反下欲取反與反應篇

此老子之道也又云有守之人目不視非耳不聽邪言必詩書

行不淫僻以道為形以德為容貌莊色溫不可象貌而得也如

是隱情塞卻而去之又云世無可抵則深隱而待時抵禦篇盧召

弓云觀此言是其術遇正人而窮遇明君治世皆無所可用鬼

谷澧謂其不必遇正人明君也鬼谷子卒蘇秦假名史記蘇秦傳索隱引

素壹注鬼谷子書云蘇秦欲神其道故假名鬼谷戰國策蘇秦說李兌李兌舍人教李

兌曰臣竊觀君與蘇公談也其辯過君其博過君願君堅塞兩

耳無聽其談明日蘇秦復見終日談而去趙過李兌舍人而其術已窮何足道哉

唐來鵠讀鬼谷子云婢閤飛簪實時之常態不讀谷之書者其行事皆得自然符契也使天下用聖人之道學溫良忠慤敬讓之心得如自然符契鬼谷之書者則吾見聖人無恨矣

盧召弓又云或問曰如此則是書何以不毀曰凡夫姦邪之情狀畢見於斯爲人主者不可不反覆留意焉庶幾遇若人也洞

見其肺肝然彼欲以其術嘗我而我得以逆折之是助上知人

之明也何可毀也

曾南豐戰國策目錄序云君子之禁邪說也

之不可從然後以禁則齊使後世之人皆知其說之不可爲然後以戒則明豈必滅其籍哉

陸清獻公云今之讀戰國策者多亦曾以孟子之道權衡之乎余懼其毒之中於人也故指示其得失使學者嚼其味而不中

其毒

戰國策去毒改

禮謂諸子之書皆有毒安得如清獻者盡去其毒

使不中於人則善矣

邵齋讀書志以戰國策人子部從頌家故今亦以論戰國策者入此卷

世說云袁悅有口才能短長說語人曰少年時讀論語老子又

看莊易當何所益耶天下要物正有戰國策後說司馬孝文王

大見親侍幾亂機袖俄而見誅

卷八

如袁悅者乃中戰國策之毒

而死者也

漢書藝文志云觀九家之言舍短取長則可以通萬方之略矣

文心雕龍諸子篇云洽聞之士宜撮綱要覽華而食實棄邪而

採正柳子厚辯文子云觀其往往有可立者又頗惜之今刊去

謬惡亂雜者取其近是者權載之進士策問云九流百家論著

利病有可以輔經術而施教化者皆為別白書之黃氏日鈔讀

家語云千載而下倘有任道者出體任微言闡揚奧旨與莊周

及諸子百家所傳述節而彙錄之其有功於聖門匪淺鮮矣禮
案隋書經籍志唐書藝文志梁庾仲容沈約皆有子鈔直齋書
錄解題有司馬溫公微言溫公手鈔子書也皆所謂舍短取長
者也禮讀諸子書亦節而鈔之於左不鈔荀子者以其醇粹者
多鈔之不勝鈔但當如韓
昌黎所云削其不合者
以附於聖人之籍耳

管子語史記已采八列傳其餘尙多可取者其言曰道之在天

者日也其在人者心也樞日益之而患少者惟忠日損之而患

多者惟欲同上先王之書心之敬執也而眾人不知也故有事事

也無事亦事也同上思之思之又重思之思之而不通鬼神將通

之非鬼神之方也精氣之極也內業○心
術下略同凡人之生也必以平

正所以失之必以喜怒哀憂患是故止怒莫若詩去憂莫若樂節

樂莫若禮守禮莫若敬莫若靜內靜外敬能反其性性將

大定

同上○心術下略同

人能正靜者筋肋而骨強武術善氣迎人親如

弟兄惡氣迎人害於戈兵不言之言聞於雷鼓同上無根而固者

情也

戒

寡交多親謂之知人寡事成功謂之知用聞一言以貫

萬物謂之知道多言而不當不如其寡也博學而不自反必有

邪

同上

適身行義儉約恭敬其唯無福禍亦不來矣驕傲侈泰離

度絕理其唯無禍福亦不至矣

禁

顧憂者可與致道

形

置過

於君子而毋失於小人過於君子其爲怨淺失於小人其爲禍

深

立

全生之說勝則廉恥不立

立

政九

聖人畏微而愚人畏明

霸

古之隳國家隕社稷者非故且爲之也必少有樂焉不知其

陷於惡也

中

善罪身者民不得罪也不能罪身者民罪之

小堂

上遠於百里堂下遠於千里門廷遠於萬里今步者一日百里

之情通矣堂上有事十日而君不聞此所謂遠於百里也步者

十日千里之情通矣堂下有事一月而君不聞此所謂遠於千

里也步者百日萬里之情通矣門廷有事期年而君不聞此所

謂遠於萬里也法士農工商四民者國之石民也不可使雜處

雜處則其言訕其事亂小甚富不可使甚貧不知恥靡懼之以

罪則民多詐問小論賢不鄉舉則士不及行觀八商賈之人不論志

行而有爵祿也則上令輕法制毀同上至私人之門不一至於

庭百慮其家不一圖國屬數雖眾非以尊君也百官雖具非以

任國也此之謂國無人法明今恃不信之人而求以智用不守之

民而欲以固將不戰之卒而幸以勝此兵之三閼也九

晏子春秋可取者曰爲政患善惡之不分上問羞問之君不能保

其身上同君正臣從謂之順君僻臣從謂之逆諫上同所謂和者

君甘則臣酸君淡則臣鹹同上諸侯竝立能終善者爲長列士竝

學能終善者爲師

同上問下同

國有三不祥夫有賢而不知一不祥

知而不用二不祥用而不任三不祥也

諫

下朝居嚴則下無言下

無言則上無聞矣下無言則吾謂之瘖上無聞則吾謂之聵

固有所受而不用惡有拒而不受者哉

同上

君子無禮是庶人也庶

人無禮是禽獸也夫勇多則弑其君力多則殺其長然而不敢

者維禮之謂也

同上

人君無禮無以臨其邦大夫無禮官吏不恭

父子無禮其家必凶兄弟無禮不能久同

重而異者

夫藏財而不用

凶也

諫

下聖人千慮必有一失愚人千慮必有一得

雜

爲者常成

行者常至常爲而不置常行而不休者故難及也

同上

古之能行

道者道用與世樂業不用有所依歸不以傲上華世不以枯槁

爲名

問

下有良鄰則日見君子

不合經術者

墨子可取者曰是故國有賢良之士眾則國家之治厚賢良之

士寡則國家之治薄尚賢自貴且智者為政乎愚且賤者則治

自愚且賤者為政乎貴且智者則亂尚賢凡天下禍篡怨恨其

所以起者以不愛生也兼愛譬若築牆然能築者築能實壤者

實壤能欣者欣畢氏注云說文欣舉出也與欣同然後牆成也為義猶是也能

談辯者談辯能說書者說書能從事者從事然後義事成也桂

世俗之君子貧而謂之富則怒無義而謂之有義則喜豈不悖

哉同慧者心辯而不繁說身善無主於心者不留上立辭而不

明於其類則必困矣大

老子可取者曰天道無親常與善人七十飄風不終朝驟雨不

終日孰為此者天地天地尚不能久而況於人乎二十知人者

智自知者明勝人者有力自勝者強知足者富強行者有志不

失其所者久死而不亡者壽三十不自見故明不自是故彰不

自伐故有功不自矜故長二十章多言數窮不如守中五章重為輕

根靜為躁君二十章民之從事常於幾成而敗之慎終如始則無

敗事六十章聖人常善救人故無棄人常善救物故無棄物二十章

天下多忌諱而民彌貧五十章法令滋彰盜賊多有四章民不畏死

奈何以死懼之四十章民不畏威則大威至二十章和大怨必有餘

怨七十章夫慈以戰則勝以守則固天將救之以慈衛之六十章禍

莫大於輕敵六十九章○黃氏曰鈔鈔老子語為二章一為九章

列子可取者曰天地無全功聖人無全能萬物無全用天瑞生者

理之必終者也終者不得不終亦如生者之不得不生上同可以

生而生天福也可以死而死天福也命一體之盈虛消息皆通

於天地應於物類周穆王人未必無獸心禽獸未必無人心黃帝人

而無義唯食而已是雞狗也彊食靡角勝者為制是禽獸也為

雞狗禽獸矣而欲人之尊已不可得也人不尊已則危辱及之

矣

說符

聖人不察存亡而察其所以然

同上

○此稱
關尹子語

治國之難在

於知賢而不在自賢

同上

莊子可取者曰真者情誠之至也不精不誠不能動人故強哭者雖悲不哀強怒者雖嚴不威強親者雖笑不和真悲無聲而哀真怒未發而威真親未笑而和真在內者神動於外是所以貴真也其用於人理也事親則慈孝事君則忠貞飲酒則歡樂處喪則悲哀漁父古之得道者窮亦樂通亦樂所樂非窮通也道得於此則窮通爲寒暑風雨之序矣讓王古之所謂得志者非軒冕之謂也謂其無以益其樂而已矣今之所謂得志者軒冕之謂也軒冕在身非性命也物之儻來寄也今寄去則不樂由是觀之雖樂未嘗不荒也故曰喪已於物失性於俗者謂之倒置

之民性知其不可奈何而安之若命唯有德者能之德充有為

也欲當則緣於不得已不得已之類聖人之道庚桑楚為不善乎

顯明之中者人得而誅之為不善乎幽閒之中者鬼得而誅之

明乎人明乎鬼者然後能獨行同兵莫憚於志鎮錙為下冠莫

大於陰陽無所逃於天地之間非陰陽賊之心則使之也上人

之所取畏者衽席之上飲食之間而不知為之戒者過也達形

勞而不休則弊精用而不已則勞勞則竭水之性不雜則清莫

動則平鬱閉而不流亦不能清天德之象也刻意聖人之靜也非

曰靜也善故靜也萬物無足以撓心者故靜也水靜則明燭鬢

眉平中准大匠取法焉水靜猶明而況精神天其者欲深者其

天機淺大宗師凡外重者內拙達生小夫之知不離苞苴竿牘傲精

神乎蹇淺冠列禦有機械者必有機事有機事者必有機心機心

存於胸中則純白不備純白不備則神生不定神生不定者道之所不載也地天民知力竭則以偽繼之日出多偽土民安取不偽夫力不足則偽知不足則欺財不足則盜盜竊之行於誰責而可乎陽則

商鞅書之可取者曰聖人爲法必使之明白易知分定聖人有必

信之性又有使天下不得不信之法畫策國皆有潛法而無使法

必行之法國皆有禁姦邪刑盜賊之法而無使姦邪盜賊必得

之法同上人主使其民信如日月此無敵矣民弱今亂國不然恃吏

吏雖眾同體一也禁使初假吏民姦詐之本而求端慙其未禹不

能以使十人之眾庸主安能以御一國之民慎注無宿治則邪官

不及爲私利於民而百官之情不相稽壘令凡人臣之事君也多

以主所好事君君好法也則臣以法事君君好言也則臣以言

事君修有土者不可以言貧有民者不可以言弱地誠任不患

無財民誠用不畏強暴國富則淫淫則有蝨有蝨則弱農

則樸樸則安其居而惡出地故其國刑不可惡而爵祿不足務

也此亡國之兆也兵法大戰勝逐北無過十里小戰勝逐北

無過五里兵起而程敵政不若者勿與戰食不若者勿與久敵

眾勿為客敵盡不如擊之勿疑故曰兵大律在謹戰法故王兵之

政使民怯於邑鬪而勇於寇戰同國亂者民多私義兵弱者民

多私勇則削國之所以句取爵祿者多塗人亡國之所以畫策

韓非子之可取者曰安危在是非不在於強弱存亡在虛實不

在於眾寡危至治之國有賞罰而無喜怒用利莫長於簡福莫

久於安大書約而弟子辯法省而民訟簡八法莫如一而使民

知之五小信成則大信立故明主積於信外儲說利所禁禁所

利雖神不行譽所罪毀所賞雖堯不治

外傳說左中

間有吏雖亂而

有獨善之民不聞有亂民而有獨治之吏故明主治吏不治民

外傳說右

明主之吏宰相必起於州部猛將必發於卒伍

顯下君盡

已之能中君盡人之力上君盡人之智

八官職

可以重求爵祿

可以貨得者可亡也

七

羣臣持祿養交行私道而不效公忠此

謂明劫

三守

故為人臣者窺覘其君心也無須臾之休而人主怠

傲處其上此世所以有劫君弑主也

內備

尹文子之可取者曰有理而無益於治者君子弗言有能而無

益於事者君子弗為君子非樂有言有益於治不得不言君子

非樂有為有益於事不得不為

大道上

為善使人不能得從此獨

善也為巧使人不能得為此獨巧也未盡善巧之理為善與眾

行之為巧與眾能之此善之善者巧之巧者也

同

雖彌綸天地

龍絡萬品治道之外非羣生所餐挹聖人措而不言也

大道下

尸子之可取者曰貴人者貴其心也

學

爵列者德行之舍也今

天下貴爵列而賤德行是貴甘棠而賤召伯也亦反矣

土積

成嶽則梗枿豫章生焉水積成川則吞舟之魚生焉夫學之積

也亦有所生也

上

慮之無益於義而慮之此心之穢也道之無

益於義而道之此言之穢也爲之無益於義而爲之此行之穢

也

怨

胸中亂則擇其邪欲而去之

道

食所以爲肥也壹飯而問

人曰奚若則皆笑之夫治天下大事也今人皆壹飯而問奚若

者也

上

因井中視星所視不過數星自丘上以視則見其始出

又見其入非明益也勢使然也夫私心井中也公心丘上也

廣

入於囹圄解於患難者則三族德之教之以仁義慈悌則終身

無患而莫之德

言

敬災與凶禍乃不重

引

義必利雖桀殺關

龍逢紂殺王子比干猶謂義之必利也

文選非有先生論注運命論注引

中黃

伯曰余左執太行之擾而右搏雕虎又願爲牛欲與象鬪以自

試今二三子以爲義矣將惡乎試之夫貧窮太行之擾也疏賤

者義之雕虎也而吾日遇之亦足以試矣

後漢書張衡傳袁紹傳注引

呂氏春秋可取者曰凡生之長也順之也使生不順者欲也故

聖人必先適欲

高誘云適猶節也○重已

物也者所以養性也非所以性養

也今世之人惑者多以性養物則不知輕重也

本

治欲者不於

欲於性性者萬物之本也

貴

精神安乎形而年壽得長焉長焉

者非短而續之也畢其數也畢數之務在乎去害

盡

人之老也

形益衰而智益盛

去

耳不可以聽目不可以視口不可以食胃

中大擾妄言想見臨死之上顛倒驚懼不知所爲用心如此豈

不悲哉

情

精氣之集也必有入也集於羽鳥與爲飛揚集於走

獸與爲流行集於珠玉與爲精明集於樹木與爲茂長集於聖

人與爲貞明

同上

今夫攻者砥厲五兵侈衣美食發且有日矣所

被攻者不樂非或聞之也神者先告也身在乎秦所親愛在於

齊死而志氣不安精或往來也

精通

故父母之於子也子之於父

母也一體而兩分同氣而異息若草莽之有華實也若樹木之

有根心也雖異處而相通隱志相及痛疾相救憂思相感生則

相歡死則相哀此之謂骨肉之親神出於忠而應乎心兩精相

得豈待言哉

同上

君子之自行也動必緣義行必誠義俗雖謂之

窮通也行不誠義動不緣義雖謂之通窮也然則君子之窮通

有異乎俗者也

義高

外物豈可必哉君子之自行也敬人而不必

見敬愛人而不必見愛敬愛人者已也見愛敬者人也君子必

在已者不必在人者也

必已

人之情莫不有重莫不有輕有所重

則欲全之有所輕則以養所重伯夷叔齊此二士者皆出身棄

生以立其意輕重先定也誠義小爲之則小有福大爲之則大

有福類擇先王之成法而法其所以爲法察失民心而立功名

者未之曾有也民順凡人主必信信而又信誰人不親貴信之爲

功大矣信立則虛言可以賞矣虛言可以賞則六合之內皆爲

已府矣信之所及盡制之矣上同不得其道而徒多其威威愈多

民愈不用故威不可無用而不足專恃民水鬱則爲汚樹鬱則

爲蠹草鬱則爲蕢國亦有鬱生德不通民欲不達此國之鬱也

國鬱久處則百惡並起而萬災叢至矣上下之相忍也由此出

矣故聖王之貴豪士與忠臣也爲其敢直言而決鬱塞也達凡

治國令其民爭行義也亂國令其民爭爲不義也爲故國亂非

獨亂也又必召寇獨亂未必亡也召寇則無以存矣應同安危

召類

榮辱之本在於主主之本在於宗廟宗廟之本在於民民之治
亂在於有司本務使治亂存亡若高山之與深谿若白堊之與黑
漆則無所用智雖愚猶可矣且治亂存亡則不然如可知如不
可知如可見如不可見故智士賢者相與積心愁慮以求之微
千里而有一士比肩也累世而有一聖人繼踵也士與聖人之
所自來若此其難也而治必待之治奚由至雖幸而有未必知
也不和則與無賢同此治世之所以短而亂世之所以長也觀
○呂氏春秋多采古儒家之說故可取者最多古之儒家多偉
人名論其書雖亡其姓名雖湮沒而其言猶有存者令人發思
情耳
古之幽

東塾讀書記卷十二終